



OPĆINSKI NAČELNIK

Broj: 01-19-1181-11/25

Ustikolina: 03.09.2025. godine

Na osnovu člana 70. stav 1. Zakona o javnim nabavkama („Službeni glasnik BiH”, broj 39/14, 59/22 i 50/24) i člana 101., a u skladu sa članom 37. Statuta Općine Foča („Službene novine BPK-a Goražde“ broj: 8/08, 11/08, 16/13 i 7/20), a na osnovu preporuke Komisije za javne nabavke broj: 01-19-1181-8/25 od 03.09.2025. godine, u postupku javne nabavke radova „Sanacija i uređenje spomen obilježja “Šehidska kapija“, Načelnik Općine Foča **donosi**:

ODLUKU o izboru najpovoljnijeg ponuđača

Član 1.

Prihvata se preporuka Komisije za javne nabavke broj: 01-19-1181-8/25 i ugovor za javnu nabavku radova Sanacija i uređenje spomen obilježja “Šehidska kapija”, dodjeljuje se ponuđaču „Energomatika“ d.o.o. Foča, za ponuđenu cijenu od 12.400 KM bez uračunatog PDV-a kao najbolje ocjenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču „Energomatika“ d.o.o. Foča.

Član 3.

Za izvršenje ove odluke zadužuje se Služba za prostorno uređenje, komunalne, geodetske, katastarske i stambene poslove, imovinsko-pravna pitanja, boračko- invalidsku zaštitu.

Član 4.

Ova odluka objavit će se na web-stranici Općine Foča istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-19-1181-1/25 od 21.08.2025. godine. Javna nabavka je provedena putem konkurentnog zahtjeva za dostavu ponuda.

Procijenjena vrijednost javne nabavke bez PDV-a je 12.400,00 KM. Obavijest o nabavci broj: 1359-7-3-124-3-13/25 poslata je na objavu dana 21.08.2025. godine i istog dana je objavljena na Portalu javnih nabavki, istovremeno je objavljena i tenderska dokumentacija u sistemu e-nabavke. Sažetak obavještenja o nabavci objavljen je u Službenom glasniku BiH broj: 51/25 dana 29.08.2025. godine. Komisija za javnu nabavku imenovana je Rješenjem broj: 01-11-206/25 od dana 12.02.2025. godine. Tendersku dokumentaciju sa Portala javnih nabavki BiH je preuzelo 15 (petnaest) ponuđača. Krajnji rok za dostavu ponuda bio je 02.09.2025. godine do 11⁰⁰ sati, te je izvršeno javno otvaranje ponuda istog dana u 11³⁰ sati, što je konstatovano Zapisnikom sa otvaranja ponuda od 02.09.2025. godine. Zapisnik sa otvaranja ponuda isti je dan dostavljen ponuđaču elektronskim putem. Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 01-19-1181-2/25 od 21.08.2025. godine, odnosno pregledu ponuda u skladu sa

procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima. Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljena 1 (jedna) ponuda i to:

R.b	Naziv i sjedište ponuđača	Cijena bez PDV-a	Ponuđeni popust	Ukupna cijena sa popustom (bez PDV-a)
1.	Energomatika d.o.o. Foča	12.400,00 KM	-	12.400,00 KM

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača Energomatika d.o.o. Foča je prihvatljiva jer ispunjava formalno pravne uslove i kvalifikacione uslove (lična sposobnost, sposobnost za obavljanje profesionalne djelatnosti, te tehničke i profesionalne sposobnosti) zahtjevano tenderskom dokumentacijom. E-aukciju nije zakazana jer nisu ispunjeni uslovi za istu.

Iz navedenih razloga, a primjenom člana 64. stav 1. tačka b) Zakona o javnim nabavkama BiH („Službeni glasnik BiH“ broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača „Energomatika“, d.o.o. Goražde za izvođenje radova Sanacija i uređenje spomen obilježja „Šehidska kapija“, kao prvoplasiranom na Rang listi, sa ponuđenom ukupnom cijenom u iznosu od 12.400,00 KM bez PDV-a.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je ponuda ponuđača „Energomatika“ d.o.o. Foča najbolje ocijenjena ponuda prema kriteriju najniže cijene.

Na osnovu naprijed navedenog odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organa u pisanoj formi u najmanje 3 (tri) primjerka, u roku od 10 (deset) dana od dana prijema ove odluke.

DOSTAVLJENO:

1. „Energomatika“ d.o.o. Foča
2. Evidenciji
3. a/a

